

楚

寶

楚寶卷二十二

明 梁谿高世泰彙旃父鑒定

湘潭後學周璽楷輯纂

伍象漣較訂

真儒

周敦頤

周敦頤字茂叔、道州營道人、元名敦實、避英宗舊諱、
改焉、以舅龍圖閣學士鄭向任、爲分寧主簿、有獄久
不决、敦頤至、一訊立辨、邑人驚曰、老吏不如也、部使

者薦之。調南安軍司理參軍。有囚法不當死。轉運使王達欲深治之。達酷悍吏也。衆莫敢爭。敦願獨與之辨。不聽。乃委手版。歸將棄官去。曰：「如此。尚可仕乎？」殺人以媚人。吾不爲也。達悟。因得免。移郴之桂陽令。治績尤著。罷守柰。初。平賢之。語之曰：「吾欲讀書。何如？」敦願曰：「公老無及矣。」請爲公言之。二年。果有得徙知南昌。南昌人皆曰：「是能辨分。寔獄者。吾屬得所訴矣。」富家大姓。黠吏惡少。惴惴焉不獨以得罪於令爲憂。而又以汙穢善政爲恥。歷合州判官。事不經手。吏不敢

決雖下之民不肯從部使者趙抃惑於讒口臨之甚
威敦順處之超然通判處州抃守處熱視其所爲乃
大悟執其手曰吾幾失君矣今而後乃知周茂叔也
熙寧初知郴州用抃及呂公著薦爲廣東轉運判官
提點刑獄以洗冤澤物爲已任行部不憚勞苦雖瘴
癘險遠亦緩視徐按以疾求知南康軍因家廬山蓮
花峯下前有溪合于湓江取營道所居濂溪以名之
抃再鎮蜀將奏用之未及而卒年五十七黃庭堅稱
其人品甚高胸懷灑落如光風霽月廉於取名而銳



於求志薄于微福而厚于得民。非於奉身而燕及。戮
嫠陋於希世而尚友千古。博學力行著太極圖明天
理之根源。究萬物之終始。其說曰。無極而太極。太極
動而生陽。動極而靜。靜而生陰。靜極復動。一動一靜
互爲其根。分陰分陽。兩儀立焉。陽變陰合而生水火
木金土。五氣順布。四時行焉。五行一陰陽也。陰陽一
太極也。太極本無極也。五行之生也。各一其性。無極
之真。二五之精。妙合而凝。乾道成男。坤道成女。二氣
交感。化生萬物。萬物生生而變化無窮焉。惟人也。得

其秀而最靈。形既生矣。神發知矣。五性感動而善惡
分。萬事出矣。聖人定之以中正仁義而主靜。立人極
焉。故聖人與天地合其德。日月合其明。四時合其序。
鬼神合其吉凶。君子修之吉。小人悖之凶。故曰立天
之道曰陰與陽。立地之道曰柔與剛。立人之道曰仁
與義。又曰原始反終。故知死生之說。大哉易也。斯其
至矣。又著通書四十篇。發明太極之蘊。序者謂其言
約而道大。文質而義精。得孔孟之本源。大有功於學
者也。據南安時程珦通判軍事。視其氣貌。非常人與。

語知其爲學知道因與爲友使二子顯願往受業焉
敦願每令尋孔顏樂處所樂何事二程之學源流乎
此矣故願之言曰自再見周茂叔後吟風弄月以歸
有吾與點也之意侯師聖學於程願未悟訪敦願敦
願曰吾老矣說不可不詳留對榻夜談越三日乃還
願驚異之曰非從周茂叔來耶其善開發人類此嘉
定十三年賜謚曰元公淳祐元年封汝南伯從祀孔
子廟庭二子壽盡燾官至寶文閣待制

黃庭堅濂溪詩叙曰春陵周茂叔人品甚高胸中

麗落如光風霽月。好讀書。雅意林壑。初不爲人容。求世故。權與仕籍。不卑小官。職思其憂。論法常欲與民決訟。得情而不喜其爲小吏。在江湖。羈縣蓋十五年。所至輒可。傳任司理。崇軍運使。以權利變其獄。茂叔爭之。不能得。投告身。欲去。使者斂手聽之。趙公閱道。號稱好賢。人有惡茂叔者。趙公以使。者臨之。甚威。茂叔處之超然。其後廻悟曰。周茂叔。天下士也。薦之于朝。論之於士大夫。終其身。其爲使者。進退官吏。得罪者。自以不寬。中歲乞身。老於

溢城有水發源於蓮花峯下潔清紺寒下合于溢
江茂叔濯纓而樂之築屋於其上用其平生所安
樂媿水而成名曰濂溪與之游者曰溪名未足以
對茂叔之美雖然茂叔短於取名而惠於求志薄
於徵福而厚於得民菲于奉身而燕及貧窶陋於
希世而尚友千古聞茂叔之餘風猶足以律貪則
此溪之水配茂叔以永久所得多矣茂叔諱敦實
避厚陵奉朝請名改敦頤二子壽盡皆好學承家
求余作濂溪詩思詠先德茂叔雖仕宦三十年而

平生之志終在丘壑。故余詩詞不及世故。猶髣髴其音塵。溪毛秀兮水清可飯。莢兮濯纓不漁。民利兮又何有於名。絃琴兮觴酒。寫溪聲兮延五老以爲壽。蟬蛻塵埃兮玉雲自清。聽潺湲兮鑒澄明。激貪兮敦薄。非青蘋白鷗兮誰與同樂。津有舟兮蕩有蓮。勝日兮與客就閒人。聞琴音兮不知何處散髮醉高荷。爲葢兮倚芙蓉。以當伎霜清水寒兮。舟著平沙。八方同宇兮雲月爲家。懷連城兮珮明月。魚鳥親人兮野老同社。而爭席白雲蒙頭兮。

與南山爲伍。非夫人攘臂兮。誰余敢侮。

朱熹通書序曰。通書者濂溪夫子之所作也。夫子姓周氏。名淳。順字茂叔。自少卽以學行有聞於世。而莫或知其師傳之所自。獨以河南兩程夫子嘗受學焉。而得孔孟不傳之正統。則其淵源因可槩見。然所以指夫仲尼顏子之樂。而發其吟風弄月之趣者。亦不可得而悉聞矣。所著之書又多散失。獨此一篇。本號易通。與太極圖說並出。程氏以傳於世。而其爲說實相表裏。大抵推一理二氣五行。

之○分○合○以○紀○綱○道○體○之○精○微○決○道○義○文○辭○利○祿○之○
取○舍○以○振○起○俗○學○之○卑○陋○至○論○所○以○入○德○之○方○經○
世○之○具○又○皆○親○切○簡○要○不○爲○空○言○顧○其○宏○綱○大○用○
既○非○秦○漢○以○來○諸○儒○所○及○而○其○條○理○之○密○意○味○之○
深○又○非○今○世○學○者○所○能○驟○而○窺○也○是○以○程○氏○既○沒○
而○傳○者○鮮○焉○其○知○之○者○不○過○以○爲○用○意○高○遠○而○已○
熹○自○蚤○歲○卽○幸○得○其○遺○編○而○伏○讀○之○初○益○茫○然○不○
知○其○所○謂○而○甚○或○不○能○以○句○壯○歲○獲○遊○延○平○先○生○
之○門○然○後○始○得○聞○其○說○之○一○二○比○年○以○來○潛○玩○既○

久乃若。麤有得焉。雖其宏綱大用。所不敢知。然於其章句文字之間。則有以實見其條理之愈密。意味之愈深。而不我欺也。顧自始讀。以至于今。歲月幾何。條焉三紀。慨前哲之益遠。懼妙旨之無傳。竊不自量。輒爲注釋。雖知凡近。不足以發夫子之精蘊。然剗通大義。以俟後之君子。則萬一其庶幾焉。淳熙丁未九月甲辰後學朱熹謹記。

魏鶴山邵州祠記曰。自孔孟以來。爲五百年者三矣。聖遠言湮。俗淪士散。求道者離乎羣。而不知一

理二氣之互根。言性者雜乎氣。而不知元亨變化之實理。知剛柔之爲善惡。而不知剛不一於善。柔不一於惡也。知陰陽之爲動靜。而不知陰不一於靜。陽不一於動也。先生始爲圖書。貫融而劈析之。二程先生得其傳道。日以彰迨胡子朱子張子推行究極。亦幾無餘蘊矣。然而論說益明。適以爲藻飾詞辨之資。流傳益廣。適以爲紿取聲利之計。故胡子曰。棄不貲之身。於一物之小。其不仁莫甚焉。張子曰。學校所講。不過綴緝文詞。規取利祿。非先

生所望於後人之意。而朱子亦曰。程氏既沒。傳之者不能無失。流爲釋老。而世莫之悟也。

鶴林玉露曰。王荊公少年不可一世士。獨懷刺候濂溪。三及門。而三辭焉。荊公恚曰。吾獨不可自求之六經乎。乃不復見。余謂濂溪知荊公自信太篤。自處太高。故欲少挫其銳。而不料其不可回也。然再辭可矣。三則已甚。使荊公得從濂溪沐浴於光風霽月之中。以消釋其偏蔽。則他日得君行道。必無新法之煩苛。必不斥衆君子爲流俗。而社稷蒼

生將有賴焉嗚呼豈非天哉

廬山濂溪考

按廬山稱名其說不一據豫章舊志則廬俗本姓匡其父佐漢定天下而亡漢封俗於鄱陽曰越廬君兄弟七人皆好道修真此山故山以廬名矣從其姓也據遠法師志又謂殷周之際有匡俗先生者栖止此山時人呼爲神仙之廬因以名山從其居也據周景式則曰周武王時人屢逃徵聘廬于此山後來羽化惟空廬存故人以名山亦從其居

也。其山四方周四百餘里。疊郭之巖。萬仞懷霧抱。異苞諸仙迹。故爾山水明淨。風澤清曠。氣爽節和。土沃民逸。嘉遁之士。繼響窟巖。龍潛鳳采之賢。往者。忘歸矣。周茂叔濂溪。在今九江府城南一十五里。朱晦菴云。茂叔卒。葬江州德化縣清泉社。亦在府城南。又張南軒云。濂溪里名也。先生家世其間。及寓于他壘。而不忘其所自。故亦以是名溪。在道州城西二十五里。卽先生故宅。

周式

周式湘陰人有行義爲嶽麓山長祥符八年召見拜國子學主簿詔留講諸王宮式辭賜對衣鞍馬使歸教授鄉里增賜中秘書勅賜嶽麓書院名額

張栻嶽麓書院記曰湘西故有藏室背陵而向壑木茂而泉潔爲士子肄業之地始開寶中罷守朱洞首度其基創宇以待四方學者歷四十有一載居益加葺生益加多李允則來爲州請于朝乞以書藏方是時山長周式以行誼著祥符八年召見

便殿拜國子學主簿使歸教授詔以嶽麓書院名
增賜中秘書於是書院之稱始聞天下鼓篋登堂
者相繼不絕

聖楷曰周式行事無所考見以其爲書院之初始
故足錄也其後湘潭有鍾震湘鄉有周奭彪虎臣
諸子皆以經行修明不愧正學蓋是時朱晦翁張
南軒唱和于江潭胡文定公父子家南嶽山下而
道州尤爲茂叔故里蘭槐之根漸澤之在人故君
子居必擇鄉游必就士不可不慎所漸矣

周堯卿

周堯卿字子俞、道州永明人、警悟驪記、以學行知名、
天聖二年舉進士、歷連衡二州司理、叅軍、桂州司錄、
知高安、寧化二縣、提點刑獄、楊紘入境、有被刑而耘、
苗者、紘就詢其故、對曰、貧以利故、爲人直其枉、令不、
我欺、而我欺之、我又何怨、紘至縣、以所聞薦之、後通、
判饒州、積官至太常博士、范仲淹薦經行、可爲師表、
未及用、以慶曆五年卒、年五十一、始堯卿年十二、喪、
父憂戚如成人、見母則抑情忍哀、不欲傷其意、母知、

而異之謂族人曰是兒愛我如此多知孝養矣卒能
如母之言及母喪倚廬三年席薪枕塊雖疾病不飲
酒食肉既葬慈烏百數銜土集隴上人以為孝感所
致其於昆季尤篤友愛又為人簡重不校有慢已者
必厚爲禮以愧之居官祿雖薄必以周宗族朋友醵
而後已爲學不專於傳注問辨思索以通爲期長於
毛鄭詩及左氏春秋其學詩以孔子之思無邪孟子
之以意逆志考經指歸而見毛鄭之得失曰毛之傳
欲簡或寡於義理非一言以蔽之也鄭之箋欲詳或

遠於性情非以意逆志也是可以不無去取乎其學
秋由左氏記之詳得經之所以書者至三傳之異同
均有所不取曰聖人之意豈二致耶請莊周孟子之
書曰周善言理未至於窮理窮理則好惡不繆於聖
人孟軻是已孟善言性未至於盡已之性能盡已之
性則能盡物之性而可與天地參其唯聖人乎天何
言哉性與天道子貢所以不可得而聞也昔宰我子
貢善爲說辭冉牛閔子顏淵善言德行孔子曰我於
辭命則不能也惟不言故曰不能而已蓋言生於不

足者也。其講解議論皆若是有詩春秋說各三十卷。
文集二十卷。七子論說謚諡說語論鼎州司理蔡
軍說湖州歸安主簿。

聖楷曰周堯卿與元公生同時居同地其經行又
見重于范文正諸人而後儒卒鮮有稱述之者豈
其學固不欲使人知歟抑地僻遠著作未易流通
歟然宋史有傳故里有墓猶可得而考識云墓在
永明縣紫微岡

朱震

朱震字子發，荆門軍人。門州登宋政和進士第，任州縣。以廉稱。胡安國一見大器之，薦於高宗，召爲司勳員外郎。震稱疾不至。會江西制置使趙鼎入爲參知政事，上諮以當世人才。鼎曰：「臣所知朱震，學術深博，廉正守道，士之冠冕。」使任講讀，必有益於陛下。上乃召之。既至，上問以易春秋之旨。震具以所學對。上說，擢爲祠部員外郎，兼川陝荆襄都督府詳議官。震因言荆襄之間，公漢上下膏腴之田七百餘里。若選良

將領部曲鎮之招集流亡務農種穀寇來則禦寇去則耕不過三年兵食自足又給茶鹽鈔於軍中募人中糴可以下江西之舟通湘中之粟觀釐而動席捲河南此以逸待勞萬全計也遷秘書少監兼侍經筵轉起居郎建國公出閣以震爲贊讀仍賜五品服遷中書舍人兼翊善時郭千里除將作監丞震言千里侵奪民田曾經按治願寢新命從之轉給事中兼直學士院遷翰林學士是時處州民爲盜天子以爲憂選良太守往慰撫之將行震曰使居官者廉而不擾

則百姓自安雖誘之爲盜亦不爲矣願詔新太守到
官之日條具本縣及屬縣官吏有貪墨無狀者一切
罷去聽其自擇慈祥仁惠之人有治效者優加獎勵
上從其言故事當喪無享廟禮時徽宗未祔廟太常
少卿吳表臣奏行明堂祭震因言王制喪三年不祭
惟天地社稷爲禘祫而行事春秋書五月乙酉吉禘
于莊公公羊傳曰譏始不三年也國朝景德二年真
宗君明德皇后喪旣易月而除服明年遂享太廟合
祀天地于圜丘當時未行三年之喪以日易月可也

在今日行之則非也詔侍從蜜諫禮官叅議卒用御
史趙渙禮部侍郎陳公輔言大饗明堂七年震謝病
丐祠旋知禮部貢舉會足疾不果震經學深醇有漢
上易解云陳搏以先天圖傳種放放傳穆修穆修傳
李之才之才傳邵雍放以河圖洛書傳李旼旼傳許
堅許堅傳范諤昌諤昌傳劉牧穆修以太極圖事身
惇頤惇頤傳程顥程頤是時張載講學于二程邵雍
之間故雍著皇極經世書牧陳天地五十有五之
惇頤作通書程頤作易傳載造太和參兩篇臣今以

易傳爲宗和會雍載之論上采漢魏吳晉下逮有唐
及今包括異同庶幾道離而復合蓋其學以玉弼盡
去舊說雜以莊老專尚文辭爲非是故其於象數加
詳焉其論圖書授受原委如此蓋莫知其所自云
聖楷曰宋自崇寧以來禁錮元祐學術高宗渡江
始召楊時真從班召胡安國居給舍范仲朱震俱
在諫席薦尹焞甚力旣召而左司諫陳公輔上疏
攻程氏之學乞加屏絕於是尹焞辭疾不進胡安
國奉祠居衡陽朱震引疾告去不允至紹興八年

震疾亟薦尹焞自代輔臣入奏上憮然曰楊時物
故胡安國與震又忤朕痛惜之趙鼎曰尹焞學問
淵源可以繼震上指奏牘曰震亦薦焞代資善之
職但焞微賾恐教兒費力爾觀此則震之出不苟
就死不忘君有超絕諸儒者矣所著易傳十一卷
卦圖三卷易傳叢說一卷載宋藝文志

趙復

趙復字仁甫，德安人也。太宗乙未歲，命太子濶出帥師伐宋。德安以嘗逆戰，其民數十萬皆俘戮無遺。時移惟中行中書省，軍前姚樞奉詔卽軍中求儒道釋。豐卜士凡儒生，掛印籍者輒脫之，以歸。復在其中。樞與之言，信奇士。復以九族俱殘，不欲北。因與樞訣。樞恐其自裁，留帳中，共宿。既覺，月色皓然，惟寢衣在。遂馳馬周號，積屍間，誓有也行。及水際，則見復已被繫。徒跣仰天而號，欲投水而未入。樞曉以徒死無益，汝

存則子孫或可以傳緒百世。隨客而北，必可無他復。
強從之。先是，南北道絕，籍籍不相通。至是，復以所記。
程朱所著諸經傳註、畫錄，以付樞。自復至燕，學子從。
者百餘人。世祖在潛邸，嘗召見，問曰：「我欲取宋卿可。
導之乎？」對曰：「宋吾父，保國也。未有引他人以伐吾父。
母者。世祖悅，因不強之仕。惟中聞復論議，始嗜其學。
乃與樞謀，建太極書院，立周子祠，以二程、張、楊、游、朱。
六君子配食。選取遺書八千餘卷，請復講授。其中復。
以周程而後，其書廣博，學者未能貫通，乃原義、農毫。

舜所以繼天立極。孔子顏孟所以垂世立教。周程張
朱氏所以發明紹續者。作傳道圖。而以書目條列于
后。別著伊洛發揮。以標其宗旨。朱子門人散在四方。
則以見諸登載。與得諸傳聞者。共五十有三人。作師
友圖。以寓私淑之志。又取伊尹顏淵言行作希賢錄。
使學者知所嚮慕。然後求端用力之方。備矣。樞既退。
隱蘇門。乃卽復傳其學。由是許衡郝經劉因皆得其
書。而尊信之。北方知有程朱之學。自復始。復爲人樂
易。而耿介雖居燕。不怠故土。與人交。尤篤分誼。元好

問、文、名、擅、一、時、其、南、僊、也、復、贈、之、言、以、博、溺、心、未、喪、
本、爲、戒、以、自、修、讀、易、求、文、王、孔、子、之、用、心、爲、勉、其、愛、
人、以、德、類、若、此、復、家、江、漢、之、上、以、江、漢、自、號、學、者、稱、
之、曰、江、漢、先、生、子、卿、月、克、紹、家、學、云、

姚燧序江漢先生先生畧曰江漢先生至燕名益
大著北方經學實賴鳴之游其門者將百人多建
材其間燧生也後不及拜其履前獲識其子卿月
者七年矣凡再見之初以府僚見之洛陽雖嘗以
好見余猶未語此今以憲屬來鄧始及之且德先

公不怠也。燧曰：嗚呼！自先公言之，夫既受詔出之軍中，而使之死，不以命，非善其職。且儒同出者，將千數，纔得如先生一人，而使之泯沒無聞，非崇其道。此公所懼而必生之也。自先生觀之，孰親於其七尺之軀，而大其所關？人持瓦缶將敗之，猶有惜而不果者，必茹毒罹禍，不可一日居。故忍而爲此出處，非不思也。中夜以興，蹠膏血以鬪魍魎，徑林莽以觸虎豹，而始及水，仰天而祝其行，非不決也。夫思而後行，行之以決，則其勢多難，奪於中路，使

非○先○公○自○行○而○他○人○赴○之○能○捨○所○忍○爲○以○回○其○復○
生○之○志○收○其○已○逝○之○魄○反○就○是○一○目○不○可○居○之○禍○
毒○乎○由○是○言○之○先○生○之○死○求○以○無○辱○不○以○金○歸○其○
生○也○不○以○有○赴○而○以○知○已○此○其○胸○中○揆○制○一○時○相○
爲○高○下○之○權○衡○也○然○古○之○人○爲○知○已○死○者○有○之○無○
有○爲○知○已○而○生○者○先○生○以○古○人○所○不○爲○者○報○之○先○
公○而○先○公○所○受○先○生○也○已○多○矣○奚○德○哉○卿○月○與○余○
相○視○一○泫○卿○月○歸○序○所○與○言○者○贈○之○
歐陽玄趙忠簡祠堂記曰臨川王安石以新學誤

宋致天下騷然河南程氏兩夫子出而救之卒不
勝其說既而蔡京爲相宗王氏說黜程氏學宋遂
大壞京客張耒教京亟召程氏門人楊中立用之
庶幾救其半及宋中興解人趙忠簡公鼎爲相首
罷王安石孔廟配享尊尚二程子書凡其門人之
僅存者悉見召用江左乃復振不幸秦檜相忠簡
公斥程氏門人散亡洎中興業衰又不幸韓侂胄
相禁建安朱文公熹之徒之爲程氏學者其後禁
稍弛宋已日別皇元熹興江漢趙氏復能倍誦程

朱書北度江私筆以授學者許文正公衡神明其
書進以所得相世祖興禮樂文太平後是四十年
貢舉法行非程朱學不式于有司於是天下學術
凜然一趨於正時相尋定濂洛以下九儒及衡爲
十人祀孔子廟庭天子從之至順二年春趙忠簡
公六世孫貧翁請卽解之間喜縣學爲忠簡祠云
北學諸儒考
楊惟中字彥誠弘州人少知讀書有膽畧太宗器
之年二十奉命使西域三十餘國宣暢國威敷布

政條俾皆籍戶口屬吏乃歸會伐宋命惟中於軍
前行中書省事克宋東陽光化等軍光隨郢復等
州及襄陽德安府凡得名士數十人收伊洛諸書
送燕都立宋大儒周惇頤祠建太極書院延儒士
趙復王粹等講授其間遂通聖賢學慨然欲以道
濟天下。

姚樞字公茂柳城人少力學內翰宋九嘉識其有
王佐畧楊惟中乃與之偕觀太宗歲乙未南伐詔
樞從惟中卽軍中求儒道釋鑿卜者會破棗陽王

將將盡坑之極力辨非詔書意他日何以復命乃
感數人逃入篁竹中脫免拔德安得名儒趙復始
得程頤朱熹之書因棄官去攜家來輝州作家廟
別爲室奉孔子及宋儒周惇頤等象刊諸經會學
者讀書鳴琴若將終身時許衡在魏至輝就錄程
朱所註書以歸謂其徒曰彞所授受皆非今始聞
進學之序旣而盡室依樞以居樞仕至翰林學士
承旨卒年七十八謚文獻
許衡字仲平懷之河內人也世爲農衡幼有異質

七歲入學授章句問其師曰讀書何爲師曰取科
第耳曰如斯而已乎師大奇之每授書又能問其
旨義父之師謂其父母曰兒穎悟不凡他日必有
大過人者吾非其師也遂刀辭去如是者凡更三
師稍長嗜學如饑渴然遭世亂且貧無書嘗從日
者家見書疏義因請寓宿手抄歸既逃難咀嚙山
始得易王輔嗣說時兵亂中衡夜思晝誦身體力
踐言動必揆諸義後仕至集賢大學士年七十三
卒謚文正

劉因字夢吉保定容城人其父述夢神人馬戴一
兒至其家曰善養之既覺而生乃名曰駟字夢驥
後改今名及字因天資絕人三歲識書日記千百
言過目卽成誦六歲能詩七歲能屬文落筆驚人
甫弱冠才器超邁聞方外得如古人者友之
初爲經學究訓詁解釋之言如數曰聖人精義殆
不止此及得周程張邵朱呂之書一見能發其微
曰我固謂其有是也卒不仕歐陽玄嘗贊因書
曰微點之狂而有沂上風雪之樂資山之勇王

北鄙鼓瑟之聲於裕皇之仁而見不可留之四時
以世祖之畧而遇不能致之兩生鳥乎麒麟鳳皇
固宇內之不常有也然而一鳴而六典作一出而
春秋成則其志不欲遺世而往也耶矣亦將從
周公孔子之後爲仁聖繼絕爲來世開太平者
耶
郝經字伯常其先潞州人家貧晝則負薪米爲養
暮則讀書居五年爲守帥張柔賈輔所知延爲上
客二家藏書皆萬卷經博覽無不通世祖卽位以

經爲翰林侍讀學士佩金虎符充國信使使宋爲
宋所拘留經不爲屈經爲人尚氣節爲學務有用
及被脅思託言垂後撰續後漢書易春秋傳六
極演原古錄通鑑書法玉衡貞觀書及
數百卷其文豐蔭象名善詩多奇崛拘宋十
六年從者皆通於學經還宋中書對厲金
池得繫帛書詩云霜落風高恣所如歸鳥回首
悲初上林天子援弓繳竊哀臣有書乃經
題也

楚寶諸子論次

史遷班固叙次諸子不辨陰陽儒墨後世均有譏焉
原其初旨洙泗之間儒分大小微言既絕學益多岐
喬宇嵬瑣溝猶區輶譬之朱門甲第舍而弗居於市
肆中自占一隅而號於人曰我華胄之子也人亦孰
從而別識之哉是則儒効之不彰不能與縱橫名法
家爭固非一日矣楚自鬻熊子爲文王師始有子書
然其語惟賈長沙時時稱述之他亦罕聞其後柱下
之老聃園之莊皆產于楚而子之書始爲經然老與

孔子同時莊與孟子同時未聞孔孟攻老莊則老莊
之書斷乎其未可廢也若夫鬼谷爲儀秦所竊鶡冠
祖黃老用世老萊亢倉各有所託以行其書真僞相
半吾誰與語庶幾陸生可起索中之裝猶可值千金
云述諸子第十二凡一卷

諸子一

鶡冠子

老子

莊子

鶡冠子

鬼谷子

亢倉子

陸賈

楚寶卷二十三

明 梁谿高世泰彙旃父鑒定

湘潭後學周聖楷輯纂

侄賡春較訂

諸子

鬻熊

鬻子名熊，芊姓，季連之苗裔也。年九十，始見文王。王曰：「噫，老矣！」鬻子曰：「使臣捕獸逐麋，已老矣。若使坐策國事，臣年尚少。」文王善之，遂以爲師。鬻子二十二。

篇

晁氏讀書記曰鬻子一卷按漢志云爲周師自文
王以下問焉周封爲楚祖凡二十二篇今存者十
四篇唐逢行珪註永徽中上於朝叙稱見文王時
行年九十而書載周公封康叔事蓋著書時百餘
歲矣

高氏子畧曰鬻子書曰發政施仁謂之道上下相
親謂之和不求而得謂之信除天下之害謂之仁
其所以啓文王者決矣與太公之遇文王有相合

者太公之言曰君有六守仁義忠信勇讓又曰鸞
鳥將擊卑飛翮翼武狼將擊耳耳俯伏聖人將動
必有愚色尤決於啓文王者矣非二公之言殊相
經緯然其書辭意太畧淆雜若大誥洛誥之所以
爲書者是亦漢儒之所綴緝者乎太公又曰天下
非一人之天下天下之天下也奇矣唐貞元間柳
伯存嘗言子書起于鸞熊此語亦佳因錄之
楊用修曰鬻子文王時人著書二十二篇子書莫
先焉今其存者十四篇皆無可取後人贗本無所

疑也。擬賈誼新書所引鬻子七條如云：和可以守，而嚴可以守，而嚴不若和之固也；和可以攻，而嚴可以攻，而嚴不若和之德也；和可以戰，而嚴可以戰，而嚴不若和之勝也。則惟由和而可也。又云：治國之道，上忠于主，而中敬其士，而下愛其民，故上忠其主者，非以道義則無以入忠也；而中敬其士，非以禮節則無以諭敬也；下愛其民，非以忠信則無以行愛也。又曰：聖王在上位，則天下不殆；軍兵民免于死，而得一生矣。聖王在上位，則民無凍餒。

民免于二死而得二生矣。聖王在上位則民無夭
關。民免于三死而得三生矣。聖王在上位則民無
厲疾。民免于四死而得四生矣。是皆正言確論。今
之所傳有是乎。又文選注引鬻子武王率兵車以
伐紂。紂虎旅百萬陣于商郊。起自黃鳥。至于赤谷。
三軍之士莫不失色。今本亦無知其爲僞書矣。曷
取賈誼書中七條傳之以冠于書。亦愈于傳厲售
僞也。

老子

老子者楚苦縣厲鄉曲仁里人也姓李氏名耳字伯陽謚曰聃周守藏室之史也孔子適周將問禮於老子老子曰子所言者其人與骨皆已朽矣獨其言在耳且君子得其時則駕不得其時則蓬累而行吾聞之良賈深藏若虛君子盛德容貌若愚去子之驕氣與多欲態色與淫志是皆無益於子之身吾所以告子若是而已孔子去謂弟子曰鳥吾知其能飛魚吾知其能游獸吾知其能走走者可以爲罔游者可以

爲綸飛者可以爲贈至于龍吾不能知其乘風雲而
上天吾今日見老子其猶龍邪老子修道德其學以
自隱無名爲務居周久之見周之衰廼遂去至闕關
令尹喜曰子將隱矣疆爲我著書於是老子廼著書
上下篇言道德之意五千餘言而去莫知其所終或
曰老萊子亦楚人也著書十五篇言道家之用與孔
子同時云蓋老子百有六十餘歲或言二百餘歲以
其修道而養壽也自孔子死之後百二十九年而史
記周太史儋見秦獻公曰始秦與周合而離離五百

年而復合。合七十歲而霸王者出焉。或曰：儋卽老子。或曰：非也。世莫知其然否？老子隱君子也。老子之子名宗，宗爲魏將，封於段干。宗子注，注子宮，宮玄孫假，假仕于漢孝文帝而假之子解爲膠西王卬太傅，因家於齊焉。世之學老子者，則絀儒學，儒學亦絀老子。道不同不相爲謀，豈謂是邪？李耳無爲自化，清靜自正。

王弼州曰：太史公言道家使人精神專一，動合無形，瞻足萬物，儒者博而寡要，勞而寡功。道家宗老

子而儒者宗。各孔子孔子之教。蓋萬世。人王取則焉。而其徒不明兩家之始。所合遂抑絀老子。以爲異端。而老子之徒。其庸鄙詭誕者。親西來之跡。宏奇高大炫耀一世。遂不服與否儒辨。而更竊漬其餘。潘以求與之角。而並傳。蓋豔釋迦之稱。累刳則謂在伏羲。爲鬻華子。在祝融。爲廣壽子。在神農。爲大成子。在軒轅。爲廣成子。在少昊。爲隨應子。在顓頊。爲赤精子。在帝嚳。爲錄圖子。在堯。爲務成子。在舜。爲尹壽子。在禹。爲真行子。在湯。爲錫則子。在周。

始爲老子夫軒轅之世廣成居崦嵫千七百年而
其後猶未已也達者姑無論已前是而爲廣壽爲
大成後是而爲隨應爲赤精又何人耶且堯舜禹
非異代也一時而爲三子何遷逝之速也三代以
還賢公卿非乏紀也又何爲而不一及也乃至謂
老子生于商爲周文王守藏吏曰熒邑子武王時
遷柱下史成王時守故官爲經成子遂西游流沙
康王時復還曰郭叔子昭王復西遊云云蓋又傳
會化胡經之說也奇釋迦之有三十二相及七十

慈○國○家○昏○亂○有○忠○臣○知○言○哉○君○子○之○于○世○其○無○樂○
手○其○名○也○仁○義○也○孝○慈○也○忠○臣○也○其○名○不○得○已○而○
有○之○故○曰○絕○仁○棄○義○民○復○孝○慈○絕○者○絕○其○名○復○者○
復○其○實○也○夫○不○得○老○子○之○所○以○立○言○不○解○其○文○義○
而○妄○爲○之○關○苟○卿○氏○所○謂○賤○儒○也○
聖○稽○按○玄○妙○內○篇○眞○靈○位○業○諸○書○載○老○子○事○頗○多○
詭○誕○且○多○託○西○方○化○跡○以○尊○大○老○子○非○道○德○之○意○
此○俱○不○取○

楚苦縣考

按苦縣卽今河南颍德府鹿邑縣也其地尙有苦
縣城舊屬西楚水經注曰潏水逕苦縣故城南至
潏鄉老子廟東中有九井又有李老母廟在老子
廟北廟前有李母塚

莊子

莊子者蒙人也。名周。周嘗爲蒙漆園吏。與梁惠王齊宣王同時。其學無所不闢。然其要本歸于老子之言。故其著書十餘萬言。大抵率寓言也。作漁父盜跖胠篋以詆訛孔子之徒。以明老子之術。與累虛亢桑子之屬。皆空語無實事。然善屬書離辭。指事類情。用剽剝。儒墨雖當世宿學。不能自解免也。其言沈洋自恣。以適己。故自王公大人不能罷之。楚威王聞莊周賢。使使厚幣迎之。許以爲相。莊周笑謂楚使者曰。千金

重利卿相尊位也。子獨不見郊祭之犧牛乎？養食之數歲，衣以文繡，以入太廟，當是之時，雖欲爲狐豚豨，可得乎？子亟去，無污我。我寧游戲污瀆之中，自快，無爲有國者所羈，終身不仕，以快吾志焉。

朱子語錄曰：莊子與孟子同時，却不曾相遇。孟子平生足跡只在齊魯滕大梁之間，不曾過大梁之南。莊子自是楚人，想見聲聞只於梁而止。然當時南方亦多異端，如陳良之類是也。聖楷按：今鳳陽臨淮縣有莊子墓，定遠縣有濬園，壽甯縣有蓮

山上有南華觀云周嘗隱此其地戰國時屬楚或云蒙卽今蒙城縣然未確

譚元春遇莊序曰童年讀莊未有省也十五年間凡六閱之手皆出沒微殊皆觀其間四閱本文一閱本文兼郭注一閱郭呂注旁及近時焦陸諸注又回旋本文撰遇莊總論三十三篇如其篇數益歎是書那復須注不易之言也注彌明吾疑其明注彌賁吾疑其賁閱莊有法藏去故我化身莊子坐而抱想默而把筆汎然而游昧昧然涉我盡莊

現○循○視○內○外○其○有○不○合○者○聽○於○其○際○與○其○數○如○咒○
咒○物○物○利○咒○止○又○如○物○獲○咒○益○不○斲○咒○故○因○而○遇○
之○芒○昧○何○極○口○弄○物○外○之○言○手○弄○世○外○之○事○稽○厥○
行○藏○伊○可○恥○也○龜○犢○枯○魚○心○迹○超○然○因○而○遇○之○情○
染○一○洗○於○物○中○爲○人○人○中○爲○男○豈○如○木○梗○隨○水○遷○
流○豈○如○落○英○隨○風○近○遠○不○發○大○寤○自○同○蟲○豸○何○往○
何○來○念○之○悲○動○因○而○遇○之○雞○鳴○不○已○洞○天○棊○散○雲○
霞○周○身○寶○不○可○塞○關○不○可○扃○扃○而○塞○之○魂○魄○焉○宅○
吾○瞋○目○恬○氣○伺○厥○升○降○因○而○遇○之○廣○成○面○語○傷○物○

者傷○舊人者舊○鵬飛蝶息○不出人間○因而遇之○其
老○易之旨○乎靈晦○勿宣靈○誤勿鑿○靈斷勿紉○紉刺
我○指如夢○古人語○半分手○因而遇之○空牀不寢○文
理○濤倒莊騷○同思我愛天○問濱濱如訴○薄暮雷電○
卽記其事○前絲後絲○總不相連○玆談羊蟻○胡乃及
魚○見魚書○魚想亦如是○國而遇之○以破吾拘○至巧
者○化工人○敢椎拙○仰而思天○靈不怪絕○瞻彼小草○
葉○葉染采○小蟲跂跂○其殼青黃○天地大文○亦旣工
此海入其塘○嶽入其牖○無小無大○愛玩終日○因而

遇○之○字○句○我○師○彼○笑○且○侮○此○怒○而○爭○侮○者○又○笑○我○
寓○言○耳○父○前○不○拜○抱○頸○以○嬉○不○揖○密○執○跳○弄○酒○歌○
豈○曰○可○咎○他○人○反○恭○莊○不○云○乎○大○親○則○已○矣○因○而○
遇○之○詆○訛○何○有○昔○客○有○從○子○問○莊○者○曰○已○哉○止○哉○
誣○莊○者○自○誣○注○莊○者○自○注○十○夫○之○灌○漑○不○如○細○雨○
之○滲○漉○端○居○絕○念○可○以○一○遇○逐○步○追○逼○忽○失○其○處○
予○應○之○曰○是○也○雖○然○予○既○化○身○爲○莊○矣○遇○莊○者○夫○
豈○予○哉○且○夫○景○純○有○筆○入○夢○求○還○輔○嗣○玄○理○出○塚○
相○告○精○文○妙○道○神○鬼○所○戀○如○此○吾○不○忘○莊○莊○必○繞○

吾晨。宇夜。池。劃。剔。吾。膺。臆。濕。吾。硯。往。來。不。絕。豈。但。遇。也。

聖楷曰。若以文字說。莊未有快如譚子。此篇者。雖然。且置是事。試看。憨山道者。發明趣向。其言曰。看老莊者。先要熟覽。教乘精透。楞嚴融會。吾佛破執之論。則不被他文字所惑。然後精修靜定工夫。純熟。用心微細。方見此老工夫。苦切。然要真真實實。看得身爲苦本。智爲累根。自能藁形釋智。方知此老真實受用。至樂處。更須將世事。一一看破。入情。

一。一。觀。透。虛。懷。處。世。目。前。無。有。絲。毫。障。礙。方。見。此。
老。真。實。逍。遙。快。活。廣。大。自。在。儼。然。一。無。事。道。人。然。
後。不。得。已。而。應。世。則。不。費。一。點。氣。力。端。然。無。爲。而。
治。故。曰。吾。言。甚。易。知。甚。易。行。天。下。莫。能。知。莫。能。行。
而。世。之。談。二。子。者。全。不。在。自。己。工。夫。體。會。只。以。語。
言。文。字。相。求。故。尤。不。相。及。要。且。學。跡。狂。之。態。者。有。
之。未。見。有。以。靜。定。工。夫。而。入。者。此。其。所。謂。知。我。者。
希。矣。與。親。二。子。者。當。作。如。是。觀。

鵬冠子

鵬冠子或曰楚人隱居幽山衣被屨空以鵬爲冠莫測其名因服成號著書言道○家○馮○諛○常○師○事○之○後○顯於趙鵬冠子懼其薦已也乃與諛絕

韓愈讀曰鵬冠子十有六篇其詞雜黃老利名其博選篇四稽五至之說當矣使其人遇其時援其道而施於國家功德豈少哉學問篇稱賤喪於無所用中流失船一壺千金者余三讀其辭而悲之文字脫謬爲之正三十有五字乙者三戒者二十

有二注十有二字云

陸佃解注曰鵩冠子楚人也居於深山以鵩爲冠號曰鵩冠子其道踳駁著書初本黃老而末流迫於刑名傳曰申韓厲名實切事情其極慘礪少恩而原於道德之意蓋學之弊有如此者也故曰孔墨之後儒分爲八墨離爲三嗚呼可不慎哉此書雖雜黃老刑名而要其宿時若散亂而無家者然其奇言奧旨亦每每而有也自博選篇至武靈王問凡十有九篇而退之讀此云十有六篇者非全

書也。今其書雖具在，然文字脫繆，不可考者多矣。語曰：書三寫，魚成魯，帝成虎，豈虛言哉！余竊聞之，故爲釋其可知者，而其不可考者，輒疑焉，以俟博洽君子。

高氏子畧曰：列仙傳曰：鵬冠子，楚人，隱居著書，言道家事，則皆出於黃老矣。其書有曰：小人事其君，務蔽其明，塞其聰，乘其威，以灼熱天下，天高不難，追有福不可請，有禍不可違。其言如此，是蓋未能忘情於斯世者。

鬼谷子

鬼谷子西周楚人受道于老君居遼安嘗入雲夢山採藥服之顏如童蘇秦張儀受業三年辭去鬼谷子曰二足下功名赫赫但春華至秋不得久茂今好朝露之榮忽長久之功輕喬松之永延貴一旦之浮爵夫女愛不極席男歡不畢輪痛哉後不知所終

袁淑真隱傳曰鬼谷先生不知何許人也隱居韜智居鬼谷山因以爲稱蘇秦張儀師之遂立功名先生遺書責之曰若二君豈不見河邊之樹乎僕

御折其枝，浪盪其根，上無徑尺之蔭，身被數千之
痕。此木豈與天地有仇，怨所居然也？子不見嵩岱
之松栢，華霍之檀栲乎？上枝干於青雲，下根通於
三泉，千秋萬歲，不受斧斤之患。此木豈與天地有
骨肉哉？蓋所居然也。

高氏子畧曰：劉向《班固錄書》無《鬼谷子》。《隋志》始有
之列於縱橫家。《唐志》以爲蘇秦之書，然蘇秦所記
以爲周時有豪士隱者居鬼谷，自號鬼谷先生，無
鄉里俗姓名字。今攷其言有曰：世無常貴，事無常

師又曰人動我靜人言我聽知性則寡累知命則
不憂凡此之類其爲辭亦卓然矣至若盛神養志
諸篇所謂中稽道德之祖散入神明之贖者不亦
幾乎郭璞登樓賦有曰揖首陽之二老招鬼谷之
隱士又游仙詩曰青溪千餘仞中有一道士借問
此阿誰云是鬼谷子可謂慨想其人矣
聖楷按隋經籍志鬼谷子三卷皇甫謐注鬼谷子
楚人也周世隱于鬼谷又續仙傳曰鬼谷子卽玉
誦也得道爲地仙此諛詞不足信大抵諸子姓氏

多半採入神仙於此蓋見方士之陋

雲夢山考

按蘇子由寄題清溪寺詩自注云在峽州鬼谷子故居日華瑣碎錄曰峽州玉泉鬼谷洞前有叢竹竹葉有文成符葉葉不同佩之可以辟患今荊州遠安縣西南六十里有雲夢山峯巒聳翠一名清溪山有鬼谷洞是其遺址也遠安原屬峽州又史記索隱云扶風池陽潁川陽城並有鬼谷者非

亢倉子

亢倉子襄陽處士王士源所撰也其自叙云士源幼
好名山行年十八首事陵山踐止恒嶽客求通玄文
人又遇蘇門問道隱者元知運太行採藥經玉屋小
有洞太白習隱訣終南修亢倉子九篇天寶四載徂
夏詔書徵謁京邑與冢臣八座討論山林之士麇至
晁氏讀書記曰唐柳宗元曰太史公爲莊周列傳
稱其爲書畏累亢桑子皆空言無事實今世有亢
桑子書其首篇出莊子而益以庸言蓋周所云者

尚不能有所事實又况取其語而益之者其爲空言
尤也劉向班固錄書無充舍子而今之爲術者乃
始爲之傳注以教于世不亦惑乎按唐天寶元年
詔號充桑子爲洞靈真經然求之不獲襄陽處士
王士元謂莊子作庚桑子太史公列子作亢倉子
其實一也取諸子文義類者補其亡今此書乃士
源補亡者宗元不知其故而遽譌之可見其銳于
譏議也其書多作古文奇字豈內不足者必假外
飾歟何燦註

高氏子畧曰開元天寶間天子方鄉道家者流之說尊表老氏莊列又以亢桑子號洞靈真經既不_〇知其人之仙否又不識其書之可經一旦表而出之固未始有此書也處士王褒乃趨世好追土意撰而獻之今讀其篇往往采諸列子文子又采呂氏春秋新序說苑又時采諸戴氏禮源流不一論殊而辭異可謂雜而不純濫而不實者矣

聖楷按子書之偽不獨一亢倉子也但亢倉子爲楚人所撰其書空屬之楚故詳采諸論與其自叙

使讀者有所攷焉。又王士源高氏作王褒或者士
源以字行耶。晁氏又作士元。此是聲訛。併正之。

陸賈

陸賈者楚人也。以客從高祖。定天下。名爲有口辨士。居左右。常使諸侯。及高祖時。中國初定。尉他平南越。因王之高祖。使陸賈賜尉他印。爲南越王。陸生至尉他。應結筵踞見陸生。陸生因進說。他曰。足下中國人。親戚昆弟墳墓在真定。今足下反天性。棄冠帶。欲以區區之越。與天子抗衡。爲敵國。禍且及身矣。且夫秦失其政。諸侯豪傑並起。唯漢王先入關。據咸陽。項羽倍約自立。爲西楚霸王。諸侯皆屬。可謂至彊。然漢王

起巴蜀鞭笞天下。刻畧諸侯。遂誅項羽。滅之五年之
間。海內平定。此非人力。天之所建也。天子聞君王
南越不助。天下誅暴逆。將相欲移兵而誅王。天子憐
百姓新勞苦。故且休之。遣臣授君王印。剖符通使。君
王宜郊迎。北面稱臣。迺欲以新造未集之越。屈強於
此。漢誠聞之。掘燒王先人家。夷滅宗族。使一偏將將
十萬衆。臨越。則越殺王降漢。如反覆手耳。於是尉他
迺蹶然起坐。謝陸生曰。居蠻夷中。久殊失禮義。因問
陸生曰。我孰與蕭何。曹參。韓信。賢。陸生曰。王似賢。復

曰我孰與皇帝賢陸生曰皇帝起豐沛討暴秦誅疆
楚爲天下興利除害繼五帝三皇之業統理中國中
國之人以億計地方萬里居天下之膏腴人衆車轡
萬物殷富政由一家自天地剖判未始有也今王衆
不過數十萬皆蠻夷崎嶇山海間譬若漢一郡王何
乃比於漢尉他大笑曰吾不取中國故王此使我居
中國何渠_諧不若漢迺大說陸生留與飲數月曰越
中無足與語至生來令我日間所不聞賜陸生橐中
裝直千金他送亦千金陸生卒拜尉他爲越王令稱

臣奉漢約。魁報高祖大悅。拜賈爲大中大夫。陸生時。時前說稱詩書。高祖罵之曰。廼公居馬上而得之。安事詩書。陸生曰。居馬上得之。寧可以馬上治之乎。且湯武逆取。而以順守之。文武並用。長久之術也。昔者吳王夫差。智伯極武而亡。秦任刑法不變。卒滅趙氏。鄉使秦已并天下。行仁義法先聖。陛下安得而有之。高帝不懌。而有慙色。廼謂陸生曰。試爲我著秦所以失天下。吾所以得之者。何及古成敗之國。陸生廼粗述存亡之微。凡著十二篇。每奏一篇。高帝未嘗不稱。

善左右呼萬歲號其書曰新語孝惠帝時呂太后用
事欲王諸呂與大臣有口者陸生自度不能爭之廼
病免家居以好時田地善可以家焉有五男廼出所
使越得橐中裝賣千金分其子二百金令爲生產
陸生常安車駟馬從歌舞鼓琴瑟侍者十人寶劍直
百金謂其子曰與汝約過汝汝給吾人馬酒食極欲
十日而更所死家得寶劍車騎侍從者一歲中往來
過他客率不過再三過數見不鮮無久恩公爲也呂
太后時王諸呂諸呂擅權欲劫少主危劉氏右丞相

陳平患之力不能爭恐禍及已常燕居深念陸生往
請直入坐而陳丞相方深念不時見陸生陸生曰何
念之深也陳平曰生揣我何念陸生曰足下位爲上
相食三萬戶侯可謂極富貴無欲矣然有憂念不過
患諸呂少主耳陳平曰然爲之奈何陸生曰天下安
注意相天下危注意將將相和調則士務附士務附
天下雖有變卽權不分爲社稷計在兩君掌握耳臣
嘗欲謂太尉絳侯絳侯與我戲易吾言君何不交驩
太尉深相結爲陳平畫呂氏數事陳平用其計廼以

五百金爲絳侯壽。厚具樂飲。太尉亦報如之。此兩人
深相結。則呂氏謀益衰。陳平廼以奴婢百人、車馬五
十乘、錢五百萬遺陸生爲飲食費。陸生以此游漢廷
公卿間。名譽藉甚。及誅諸呂。立孝文帝。陸生頗有力
焉。孝文帝卽位。欲使人之南越。陳丞相等乃言。陸生
爲大中大夫。往使尉他。令尉他去黃屋稱制。令比諸
侯。皆如意。旨詔在南越。諸中陸生竟以壽終。
鍾伯敬曰。陸賈蓋子房之流。英雄有道術。而姑以
辨士自晦者也。賈以客從高祖。定天下。凡漢定天

下之事若何之守。參與勃之戰。良平之智。信越之勇。賈皆無聞焉。及漢有天下。可以無所川賈矣。賈乃起而有爲。其一說尉佗爲漢服遠人。其一奏新語爲漢開文治。而其大者。乃在聯將相之交。周平勃以誅諸呂爲漢克復舊物。功在社稷。察其動靜。顯藏蓋諸臣圖功食報之終。乃爲賈奮身揆策之始。意不能無所爲。而又不欲爲諸臣之所已爲。其有所不爲也。不獨養其純氣。留其全力。以標其獨能而已。抑亦置其身于諸功臣之外。使漢不得有

所○加○以○預○爲○自○全○之○地○而○其○起○而○有○爲○也○則○事○必○
擇○其○大○時○必○待○其○可○功○必○度○其○成○諸○功○臣○身○名○俱○
亨○策○力○兩○窮○而○徐○以○一○辨○士○收○之○則○陸○生○之○所○以○
爲○陸○生○者○皆○不○在○漢○有○天○下○之○前○也○天○下○已○定○女○
王○臨○朝○欲○王○諸○呂○畏○諸○大○臣○有○口○者○陸○生○自○度○不○
能○爭○之○乃○病○免○家○居○使○陸○生○而○與○之○爭○則○其○爲○陸○
生○也○亦○淺○矣○買○田○分○金○飲○食○歌○舞○藏○身○袖○手○於○樂○
生○娛○老○之○中○而○誅○呂○安○劉○始○末○業○有○全○局○于○胸○中○
矣○當○其○時○非○惟○呂○氏○之○人○不○知○卽○劉○氏○之○人○亦○不○

知也。能使呂氏與劉氏之人浮沒其中而不知。然後可以惟吾所爲而莫之礙。當其時智如陳平。燕居深念。計無所出。而不知深心妙用。陸生之部署久矣。善哉乎將相和調。則權不分。千古謀國名言。身爲侯鯖。不出杯杓筐匪之內而已。默制諸呂之命。布局寬而當機。繫用力輕。而取道捷。功隨平勃。而仍以辨士自了。有功臣之實。而始終下辨士之名。其薄於食其報者。正厚于託其身者也。陸生竟以壽終。漢功臣如此結局者。蓋亦難其人矣。觀其

進○退○取○舍○蓋○英○雄○而○有○道○術○者○也○不○然○使○魯○之○功○
止○可○當○一○婁○敬○新○語○之○奏○止○可○當○一○叔○孫○通○其○誅○
呂○安○劉○及○自○金○之○妙○作○用○機○權○非○子○房○莫○能○與○于○
此○也○

聖○稽○曰○陸○生○具○大○奇○智○辨○才○兩○番○使○越○皆○如○意○旨○
交○驩○平○勃○卒○誅○呂○安○劉○功○伐○偉○然○且○夫○漢○高○當○馬○
上○歌○風○之○時○生○獨○陳○說○詩○書○不○襲○秦○故○其○視○叔○孫○
通○輩○何○啻○霄○壤○哉○荀○人○有○云○新○語○未○奏○之○先○而○帝○
不○知○尊○太○公○新○語○既○奏○之○後○而○帝○遂○能○尊○孔○子○漢○

之。文。教。賢。實。啓。之。予。友。鍾。子。謂。生。蓋。英。雄。有。道。術。
而。始。以。辨。士。自。晦。知。言。哉。予。故。以。爲。諸。子。申。之。麟。
鳳。也。

楚寶孝友論次

孝庸德也人以其庸而忽之故奇孝著焉嗟乎孝又何能奇也吉甫一信其妻而伯奇放楚康三泣其臣而棄疾苑石奮不以父廢法莊善不以祿私親其秉志操心蹈禮中節千載而下未有能知其委曲者也至于冒火伏棺捕魚泣筭舐旨嘗糞負土成墳往往至情所發通于神明又豈有希覲行善之心哉乃後世殘忍者動以割股割肝爲苦孝而疑之是使血誠之子不及羊身飾僞之兒等干曾閔天經地義於斯

泯滅可勝歎哉可勝歎哉何怪同氣之相戕而友于之義罕有聞也予傷之痛之述孝友第十三凡一卷

孝友一

尹伯奇

秦疾

伍尙

石奢

莊善

申鳴

申喜

古初

孟宗

庾黔婁

韓係伯

柳霞

樂頤

雙恭貞

孫曾濟

王玄紹

力僧護

尹恠

龐天祐

陳道周

孫景修

丁維舉

周古象

劉琦

楚寶孝友論次終